

FRÍSTUNDIR & MENNING

SJÓARINN SÍKÁTI

Sjóarinn síkátí 2015 tókst í alla staði mjög vel og var met fjöldi gesta síðan bílamælingar hófust fyrir um 7 árum. Um 25-30 þúsund voru í Grindavík um sjómannadagshelgina sem verður að teljast mjög gott. Nýjungar á hátíðinni eins og fiskabúrin mæltust vel fyrir. Haldinn var rýnifundur með hagsmunaðilum eftir Sjóarann síkátá til að gera góða hátíð enn betri á næsta ári. Komu m.a. fram hugmyndir um að færa allt sem tengist hátíðinni eins og t.d. hoppukastalar og fleira niður á hafnarsvæðið. Jafnframt var haldinn sér rýnifundur með liðsstjórum hverfanna þar sem fram komu góðar hugmyndir og vangaveltur hvernig hægt er að virkja heimafólk enn betur þegar kemur að skreytingum og viðburðum.

Fréttabréfið

kemur út

í hverjum mánuði.

Næsta fréttabréf
kemur út í ágúst.

GRINDAVÍKURBÆR

Frístundastefna Grindavíkur 2015-2020

Bæjarstjórn hefur samþykkt frístundastefnu fyrir árin 2015-2020 en undirbúningurinn tók eitt ár. Í maí 2014 samþykkti frístunda- og menningarnefnd að fara í stefnumótun um frístundastarf á vegum Grindavíkurbæjar. Stýrihópur sá um stefnumótunina en hann skipuðu Þorsteinn Gunnarsson sviðsstjóri frístunda- og menningarsviðs, Stefanía Jónsdóttir frá Miðgarði, Petrína Baldursdóttir frá Grunnskóla Grindavíkur og Jóhann Árni Ólafsson frístundaleiðbeinandi. Markmið þessarar stefnumótunarskýrslu var tvíþætt. Annars vegar að greina stöðu frístundastarfs hjá Grindavíkurbæ. Hins vegar að koma með tillögur að stefnumótun og leiðir til að efla frístundastarf til næstu ára. Haldnir voru fjórir fundir í stýrihóp og þrjú



vinnufundir. Í fyrsta lagi með ungmennaráði og nemendaráði grunnskólans. Í öðru lagi með stjórn félags eldri borgara, prestis og starfsfólki Miðgarðs. Í þriðja lagi með fötluðum og aðstandendum þeirra. Til grundvallar voru lögð gildi Grindavíkurbæjar. Þá var hlutverk Grindavíkurbæjar í frístundastarfi skilgreint, sett fram framtíðarsýn og lagðar fram sjö

stefnumarkandi leiðir. Bæjarstjórn og bæjarráð fengu stefnuna til til umsagnar sem og aðrir hagsmunaðilar og allir bæjarbúar en auglýst var eftir umsögnum á heimasíðunni. Samráðsferlið hefur því verið eins og best verður á kosið og ýmsar ábendingar teknar inn. Í kjölfarið liggur fyrir fullmótuð stefnumótun sem hægt er að lesa í heild sinni á heimasíðunni.

Úr frístundastefnunni: Um hlutverk og framtíðarsýn

Hlutverk Grindavíkurbæjar er að bjóða upp á fjölbreytt, faglegt og vel skipulagt frístundastarf fyrir ungmenni, fatlaða og eldri borgara, samkvæmt lögum, þar sem aðbúnaður og aðstaða er eins og best verður á kosið. Að styðja við bakið á félagasamtökum

sem bjóða upp á faglegt frístundastarf. **Framtíðarsýn frístundastarfs Grindavíkurbæjar:** Faglegt frístundastarf í góðu húsnæði með metnaðarfullu starfsfólki með góðu aðgengi fyrir alla þar sem íbúar á öllum aldri eru virkir þátttakendur.

Nemendur grunnskólans búa við samþættingu skóla-, frístunda- og íþróttastarfs. Grindavíkurbær styður við bakið á félagasamtökum sem bjóða upp á frístundastarf eftir skýrum og gagnsæjum leiðum og reglum þar sem aðgengi fyrir alla er lykilatíði.

Líf og fjör

Mikið er um að vera á frístunda- og menningar-sviði á vorin og sumrin.

Leikjanámskeiðin hafa aldrei verið vinsælli en metaðsókna var í ár og mynduðust langir biðlistar. Brugðist var við því með því að fjölga starfsfólki og taka inn fleiri krakka en því miður komust ekki allir að. Er ljóst að endurskoða þarf þetta fyrir næsta sumar. Þá var Þruman með sumarklúbb í fyrsta sinn fyrir 5.-7. bekk sem mæltist vel fyrir.

Vinnuskólinn er að sjálfsögðu á fullum krafti og eru um 100 nemendur þar undir stjórn 10 gæða flokksstjóra. Vinnuskólinn vinnur að því að fegra umhverfið okkar en jafnframt hafa þau verið á námskeiðum til að styrkja félagsandann. Þá hafa flokksstjórar verið á vinnuverndarnámskeiðum og einnig lært skyndihjálp. Þá verður sameiginlegt vinnuskólafjör vinnuskólanna í Grindavík, Garðinum, Sandgerði og Vogum 16. júlí í Grindavík. Fyrir hádegi verður fræðsla, svo grillað og eftir hádegi verða leikir.



GRINDAVÍKURBÆR

Útgefandi: Frístunda- og menningarsvið

ÁBM: Þorsteinn Gunnarsson, sviðsstjóri.

thorsteinn@grindavik.is

Sími 420 1100.

Fleiri fréttir á

www.grindavik.is

Nýir samningar við Íþróttahreyfinguna til 2018

Í vor var samþykkt Íþróttastefna Grindavíkur 2015-2020 í samvinnu við UMFG, Golfklúbb Grindavíkur og Hestamannafélagið Brimfaxa. Í samræmi við þá stefnu var

unnið að nýjum samstarfs-samningum við hreyfinguna þar sem markmiðið var m.a. að einfalda samningsgerðina. Viðræðurnar gengu mjög vel hefur er búið að semja

við félögin til ársloka 2018. Bæjarstjórn hefur samþykkt samningana og verður skrifað undir við tækifæri. Leiðarljósið er stuðningur við barna- og unglingastarf líkt og verið hefur.

Framkvæmdir við Ungmennagarðinn á fullu

Framkvæmdir við fyrsta hluta Ungmennagarðsins við grunnskólann á Ásabraut eru komnar á fullt en ungmennaráðið hefur undirbúið verkefnið. Garðurinn verður byggður upp á næstu þremur árum. Í þessum fyrsta áfanga verður settur hlaupaköttur, skýli og útigrið en líklega frestast strandblakvöllur til næsta árs. Staðsetning Ungmennagarðsins er í rökréttu framhaldi af því að grunnskólanum var speglað síðasta haust en



þá var unglingastigið flutt í austurálmuna og félagsmiðstöðin Þruman flutti úr Kvennó og einnig í

austurálmuna. Ungmennagarðurinn er staðsettur við austurenda skólans.

Nýtt samfélagslegt forvarnarverkefni í undirbúningi

Í lok maí stóð forvarnarteymi bæjarins fyrir fundi með útskriftarnemum 10. bekkjar og forráðamönnum þeirra undir yfirskriftinni ÚTSKRIFUÐ – OG HVAÐ SVO? Þar var farið yfir þá viðhorfsbreytingu sem verður á nokkrum mánuðum gagnvart vímuefnum og einnig var fjallað um brottfall úr námi. Unnið var á borðum með tvær spurningar. Rauði þráðurinn í niðurstöðum fundarins er fyrst og fremst mikilvægi hvatninga og stuðnings foreldra við börnin sín, samstaða foreldra og mikilvægi þess að vera með

skýr markmið. Niðurstöður fundarins eru í takt við gagnreyndar rannsóknir á sviðinu sem undirstrika meðal annars mikilvægi sterkra tengsla ungmenna við stofnanir samfélagsins, eins og fjölskyldu, kirkju og skóla. Þau ungmenni sem eru í góðum tengslum við stofnanir samfélagsins eru síður móttækileg fyrir neikvæðum jafningja-áhrifum, eru síður líkleg til að neyta vímugjafa og hætta námi. Enn fremur undirstrika rannsóknir að í nærsamfélögum þar sem foreldrasamvinna er mikil,

eru minni líkur á vímuefnanotkun allra ungmenna í hverfinu. Niðurstöður fundarins voru okkur jafnframt hvatning að nýju samfélagslegu forvarnarverkefni sem við erum með í undirbúningi fyrir unglingastig Grunnskóla Grindavíkur og er ætlað að fylgja ungmennum til 18 ára aldurs. Þetta verkefni verður kynnt nánar í haust. Verkefnið verður unnið m.a. í samvinnu við Grunnskóla Grindavíkur, Fjölbrotaskóla Suðurnesja, foreldra og nemendur unglingastigs og félagsmiðstöðina Þrumuna.